



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvirgensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Confirmatio Friderici II. facta Episcopo Vdalrico super quibusdam bonis Ecclesie Patauien.

urn:nbn:de:hbz:466:1-13553

confirmare. Ipse autem Episcopus sollicitè procurans Ecclesiæ suæ utilitatem, ipsum feudum statim titulo legalis successione contulit præfato duci Bauariæ, ab ipso Episcopo & suis successoribus, non ab Imperio ratione feudi, de cætero recipiendum & possidendum. Ut itaque hæc apud posteros inconuulsa permaneant, & perpeti firmitudine obseruentur, hoc priuilegium ob dilectionis euidentiã memorato Episcopo suæque Ecclesiæ indulgimus, sigillo aureo maiestatis nostræ corroborandum. Testes sunt Sifridus sanctæ Moguntinæ sedis Archiepiscopus, Egkenbertus Bambergensis, Sifridus Augustensis, Henricus Basiliensis Episcopi; Leopoldus Dux Austriæ & Stiria, Bernardus Dux Carinthiæ, Otto Dux Meraniæ, Henricus nobilis de Niffen, Anshelmus de Iustingen Marscaleus Imperij, Waltherus de Sipsincerna, Dieto Camerarius, Philippus de Balandia, Hadmartus de Wesin, Henricus de Landorff, Waltherus de Thanneberg, Otto de Marspach & alij plures. Signum Friderici inuictissimi regis Romanorum & semper Augusti & gloriosi regis Sicilia. Ego Conradus Metensis & Spirensis Episcopus, imperialis aulæ Cancellarius, vice domini Syfridi Moguntinæ Ecclesiæ Archiepiscopi, totius Germaniæ Archicancellarij recognoui. Acta sunt anno Domini M. CC. XVIII. regnante domino Friderico secundo, diuina fauente clementia Romanorum Rege semper Augusto, anno quarto, & glorioso rege Sicilia vero decimo octauo. Datum in solenni curia in Nürnberggh prætaxata, 12. Cal. Februarij, indictione quinta.

Confirmatio Friderici II. facta Episcopo Vdalrico super quibusdam bonis Ecclesiæ Pataviens.

IN nomine sanctæ & indiuiduæ Trinitatis. Fridericus diuinâ fauente clementiâ Romanorum Rex secundus semper Augustus, & Rex Sicilia. Ea quæ à largitione siue commutatione diuorum progenitorum nostrorum, inclitorum Romanorum Regum & Imperatorum, ad commoda ecclesiarum, siue principum Imperij deuenisse noscuntur, subsequenter confirmationem debitam à munificentia nostrâ recipere promerentur. Quocirca, huius certitudine scripti, ad notitiam præsentium, & memoriã futurorum volumus peruenire, quomodo nos exemplo progenitorum nostrorum, beneuolentiam nostram in Ecclesias & principes imperij effundere cupientes, ob dilectionis abundantiam, quam gerimus circa dilectam nobis Patau. Ecclesiam, & familiarem principem nostrum, eiusdem Ecclesiæ Episcopum Vricum, nobis & Imperio deuotum, confirmamus omnimodis & ratam habemus donationem & confirmationem de Abbatia Monasterij S. Mariæ Virginis in Patau. ciuitate siti, & de vniuersis eius pertinentijs factam ipsi Patau. Ecclesiæ Cathedrali per manus illustres prædecessorum nostrorum, diuorum Imperatorum, scilicet Ottonis primi, Ottonis secundi, Ottonis tertij, Friderici Aui nostri, atque patris nostri Henrici, qui & ab ipsâ Patau. Cathedrali Ecclesia pro Abbatia prædicta recepit in concambio prædium suum in Merdingen, cum suis Appendicijs, ut videlicet talis ratione Concambij, eadem donatio inconuulsa permaneant, & in perpetuum tenaciori memoriæ commendetur; in cuius etiam Regiæ confirmationis nostræ testimonium præsentem paginam nostri impressione sigilli signatam sæpeditæ Patau. Ecclesiæ curauimus exhibere. Huius rei testes sunt; Theodoricus Treuironum Archiepiscopus, Theobaldus Dux Lothoringorum, Rudolfus comes palatinus de Tubingen, comes Sybertus & Henricus filius suus de Werda, Hermannus Marchio de Paden, Anshelmus Marscaleus

scalcus de Iustingen, Hartmannus & Ludouicus fratres comites de Wirtenberg, Hadmarus de Küneringen, Kadoldus de Veldesberg dapifer Ducis Austriæ, & alijquàm plures. Signum Domini Friderici secundi Romanorum Regis, semper Augusti, & Regis Siciliæ. Ego Conradus Meten: episcopus, Imperialis aulae cancellarius, vice domini Seifridi Mogunt. sedis Archiepiscopi, totius Germaniæ Archicancellarij, recognoui. Acta sunt hæc anno dominicæ incarnationis. M. CC. XVIII. regnante domino nostro Friderico secundo, Romanorum Rege semper Augusto, & glorioso Rege Siciliæ. Datum Wimpinæ, anno prætaxato, cal. Aug. ind. VI. feliciter Amen,

xx. De Comitatu Hals, cuius Dn. Hundius sub hoc Episcopo Vdalrico & præcedente Vdalrico mentionem facit, plura vide infra; ubi de Episcopo Ernesto, Bauariae Duce agitur, & simul refutabitur calumnia Melchioris Cleselij Serenissimis Bauariae Ducibus irrogata. Sufficiant hoc loco ea, quæ Dn. Hund. lib. Stemat. Bauar. Tit. Comit. & Dominor. de Hals, Chamb, Vttendorff, Harbach &c. p. 84. in hunc modum scribit. Extant Passauij literæ Ducis Bauariæ Ludouici, Datæ 1224. Quod Walchunus de Rottenberch feoda Bambergen. & Ratisponen. Ecclesiarum concessit fratribus suis Alramo & Alberro de Halse, fratribus, & Wernhardo de Vttendorff. Defuncto Walkhuno Eckbertus & Gebhardus Episcopi huius concessionem ratam esse noluerunt: Idcirco res in iudicium Ducis Ludouici defertur, diem dicit Straubingæ, sententiam dat pro Episcopis, cum rei duobus diebus noluerunt respondere, interfuerunt plurimi Assesores & Sigillares. Conradus Ratisponen. Geroldus Frisingen. Hainricus de Tegernsee, Diepoldus Marchio de Hochinburch, Rapoto Co. Palat. Bauariæ, Hainricus & Hainricus Filius eius Co: de Ortenberch, Conradus Co. de Wasserburg, Bernhardus Co. de Leubnowve, Chalohus Co. de Kirchperch, Eberhardus Co. de Dornberg, Meinhardus Co. de Roteneck, Herman. Landgrauus de Luikinberge, Hainricus de Schonberch, Hainricus de Tolinze, Hainricus de Randeckke, Wernhart de Laber, Alberro Lupus de Nabecke, Hainricus de Paumgartn, Weigand de Runtig, Hoholdus de Schouvenberch, Rathold de Perg, Hainricus Waller, Purchgrauus Conradus de Saltzpurg, Chalohus de Winzer, Habard de Oeting, Rudiger de Salveld, Conrat de Gimichouen, Hainricus de Merschwanch, Waltherus de Tennenberch, Hadmarus de Wesin, Amelberdus de Aigling, Otto de Pofmünster, Otto de Iohanstorf, Hainricus de Törring, Waltherus de Chrayburck, Ekkolfus de Wartte, Richer de Rottovve, Straubing. 6. Calend. April. Anno 1224. In libro decimo rapsodiarum Auentini reperiò aliud diploma, in quo fatetur, Gebhardus Episcopus Patauiensis se de lite cum Walckun de Cambre Nepotibus in Castrum Ratinberch, per Ducem Ludouicum adiudicatum, per Rapotonem Palatinum Co. Bauariæ missum in possessionem in feudum dat, Anno, &c. 1226.

yy. Albertus hic Bohemus. Patauen. Archidiaconus. Pont. Legatus homo turbulentus, omnibus Episcopis & Principibus inuisus, plurimarum & grauissimarum extitit auctor turbatorum: non destitit etiam, in odium Ducis Ottonis oblitus acceptorum olim beneficiorum, animiq; impotens Bauariam ferro flammisq; infestare. Sed tandem recepit mercedem de meritis suis debitam: captus enim à Patauiensibus, excoariatus fuit.

zz. De hoc Rudigero, primo Episcopo Chiemensis; pòst Patauen: vide infra, sub Ecclesia Chiemsæ.

Aaa. Extat Episcopi Berchtoldi Diploma, de immunitate curiarum Canonicarum, & terminis ad quos ea immunitas seu libertas se extendit: de Archidiaconatibus solis Canonicis conferendis: item ut Canonici sint digniores omnibus Prælatibus Diocesis Patauiensis: præterea, Castellani & Turristæ, in quo teneantur Capitulo, sede vacante, & nonnullis alijstribus; ut subsequitur.

Perch